



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

VIII. Continuatio Visitationis Apost. Ecclesiarum, & Locorum Piorum Urbis.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

cois futuris temporibus valere voluit, uberius continetur.

Preces Procuratoris Gen.

§. 1. Cum autem, sicut dilectus filius Antonius Fabozzi Procurator Generalis dicti Ordinis nobis nuper exponi fecit, Indulgentiam Plenariam, & peccatorum remissionem, ut præfertur concessam etiam animabus Christianissimum Deum per modum suffragii applicari posse summopere desiderent. Nos piis ejusdem Antonii Procuratoris Generalis votis hac in re quantum cum Domino possumus favorabiliter annuere volentes auctoritate Nobis a Domino tradita plurimum in Domino confisi, Indulgentiam plenariam, & peccatorum remissionem Christianissimum Deum præfatis supradictas Ecclesias Fratrum Ordinis Minorum S. Francisci Conventualium die secunda mensis Augusti, ut supra, visitantibus, & præmissa peragentibus concessam, etiam Christianissimum Deum Animabus, quæ Deo in charitate conjunctæ ab hac luce migraverint per modum suffragii applicari posse, etiam perpetuo concedimus, & indulgemus. In contrarium facien. non obstantibus quibuscumque.

Concessio applicationis d. indulg.

Clausulæ.

§. 2. Volumus autem, ut earundem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum habeatur, quæ ipsis præsentibus haberetur si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die XX. Januarii MDCXC. Pontificatus nostri Anno Primo.

VII.

Extenditur senarius numerus Magistrorum ad duodenarium pro provincia Batica Bremitarum S. Augustini.

Similis extensio pro Provincia Peruana extat Inn. XI. Const. ad 1688., Jan. 22., Pont. 12. Et pro Provincia Quitensis hujus Pontificis Const. ed. 1690., April. 30. Pont. 1.

Dat. 21. Jan. 1690. An. 1.

ALEXANDER PAPA VIII.

Ad perpetuam rei memoriam.

Exordium.

EX injuncto Nobis divinitus pastoralis sollicitudinis munere sacrarum, bonarumque literarum studia præsertim inter Christianissimos divinis obsequiis sub suavi Religionis Jugo addictos oportunitis rationibus fovemus, & promovemus ac ut debitus virtuti honor rependatur, libenter providemus, sicut omnibus maturæ considerationis trutinæ pensis rationi consentaneum esse in Domino arbitramur.

Species facti, & causa Extentionis.

§. 1. Exponi siquidem Nobis nuper fecit dilectus filius Joseph Guerrero de Torres Frater expresse professus, & Assistens Hispaniarum Ordinis Fratrum Eremitarum Sancti Augustini, quod alias Capitulum Generale dicti Ordinis novissime in Alma Urbe nostra celebratum, inhærens decreto dudum a Congregatione tunc existentium S. R. E. Cardinalium negotiis, & consultationibus Episcoporum, & Regularium præpositorum die 19. Novembris 1682. pro Provincia Peruana ejusdem Ordinis edito, in quo, attento, quod numerus Fratrum dictæ Provincie notabiliter excreverat, demandatum fuerat, ut in Capitulo generali Ordinis præfati nunc proxime celebrando, de numero magistrorum dictæ Provincie augendo ageretur, prout subinde Decreti hujusmodi vigore dictum Capitulum Generale senarium ejusdem Provincie Magistrorum numerum ad duodenarium extendendum esse sancivit, præfataque extensio a se. rec. Innocentio PP. XI. Prædecesore nostro per quosdam suas in simili forma Brevis expeditas

literas, approbata, & confirmata fuit, probeque considerans Capitulum generale præfatum, eadem plenarie rationes etiam in Provincia Batica Ordinis supradicti, quæ copioso pariter Fratrum numero referta existit sibi locum vindicare, de consensu Venerabilis Fratris nostri Palatii Episcopi Sabinen. ejusdem S. R. E. Cardinalis de Alteriis nuncupati dicti Ordinis apud nos, & Sedem Apostolicam Protectoris, duodecim in posterum esse Magistros de numero dictæ Provincie Baticæ illius amplitudini, & æquitati maxime consentaneum censuit, si Noster, & hujus S. Sedis desuper consensus accederet; Nobis præterea dictus Joseph humiliter supplicari fecit, ut in præmissis opportune providere, & ut infra indulgere de benignitate Apostolica dignemur.

Preces Assistentis Hispaniarum.

§. 2. Nos igitur ejusdem Josephi votis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdigi, aliisque Ecclesiasticis sententiis, censuris, & pœnis a jure vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, hujusmodi supplicationibus inclinati, ut de cætero Senarius dictæ Provincie Baticæ Magistrorum numerus ad duodenarium, servata tamen in reliquis quo ad prædicti Ordinis Constitutiones, nec non consuetudines, & usus præfate Provincie Baticæ præscripta forma, augeatur, Apostolica auctoritate tenore præsentium concedimus, & indulgemus.

Extensio prædicta.

§. 3. Decernentes easdem præsentibus literas semper firmas validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & spectabit inviolabiliter in futurum in omnibus & per omnia plenissime suffragari: Sicque in præmissis per quoscumque Judices Ordinarios, & Delegatos, etiam causarum Palatii Apostolici Auditores, judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

Clausulæ.

§. 4. Non obstantibus re. me. Sixti V., & Clementis VIII. Romanorum Pontificum, etiam Prædecessorum nostrorum de senario Magistrorum numero, aliisque Constitutionibus, & Ordinationibus Apostolicis, nec non Ordinis, & Provincie Baticæ præfatorum, etiam Juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 1. Volumus autem, ut earundem præsentium Literarum transumptis, seu exemplis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides tam in Judicio, quam extra illud ubique locorum habeatur, quæ ipsis præsentibus haberetur si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die XXI. Januarii MDCXC. Pontif. nostri Anno Primo.

Præcipitur continuatio Visitationis Ecclesiarum, & Locorum Piorum Urbis.

VIII.

Indicta fuit nova Visitatio Apostolica ab Inn. XII. Const. ed. 1693., Jan. 11. P. 2.

ALEXANDER PAPA VIII.

Ad futuram rei memoriam.

Ab Alex. VII. instituta fuit Congregatio Visitationis, & incepta Visitatio.

Ea continuata fuit iuxta aliorum Pontificum.

Causa ulterioris Continuationis.

Motu proprio Concipitur Continuatio.

Confirmantur & innovantur facultates, & privilegia d. Congregationis.

Cum felic. record. Alexander Papa VII. Prædecessor noster circa Pontificatus sui primordia Pastoralem Cleri Romani, omniumque Almam hujus Urbis Ecclesiarum, piorumque locorum, & operum visitationem instituerit, eamque ipsemet in Patriarchalibus ejusdem Urbis Ecclesiis inchoaverit, ac sibi in eo munere Adjuutores nonnullos ex sacro venerabilium Fratrum Nostrorum tunc suorum S. R. E. Cardinalium Collegio delegerit, & assumpserit, eisque quosdam Romanæ Curie Prælatos, & alios subinde Cardinales adjunxerit, qui visitationem ipsam peragerent, & negotia illa concernentia expedirent, ac Secretarium, Judicem, Cancellarium, seu Actuarium, Commissarium, & Fiscalem, aliosque forsitan Officiales, & Ministros Sacre Visitationis hujusmodi deputaverit, variasque eisdem Cardinalibus, ac eorum, & dictorum Prælatorum Congregationi, nec non Officialibus, & Ministris præfatis facultates, præeminentias, & Indulta concesserit, & impertitus fuerit, & alias prout in diversis ipsius Alexandri Prædecessoris Literis desuper in simili forma Brevis expeditas, quarum tenores præsentibus proplene, & sufficienter expressis, ac de verbo ad verbum insertis haberi volumus, uberius continetur. Et (sicut accepimus) memorati quidem Cardinales, una cum Prælati Coadjutoribus suis etiam recolendæ memoriæ Clementis IX., & Clementis X., ac Innocentii XI. Romanorum Pontificum Prædecessorum pariter nostrorum jussu visitationem hujusmodi tam in eisdem Patriarchalibus, quam in aliis Collegiatis, & fere omnibus Parochialibus Ecclesiis, ac in multis Monasteriis Regularium, tam Virorum, quam Mulierum, nec non Collegiis, Hospitalibus, Confraternitatibus, & aliis locis piis dictæ Urbis postea prosecuti fuerint, salutaribusque monitis, & Decretis, ubi opus fuerit, providebant: visitatio tamen ipsa in omnibus Ecclesiis, ac locis, & operibus piis prædictis nondum sit peracta, sed multa negotia eam concernentia adhuc pendeant indecisa: hinc est, quod Nos pastorali studio considerantes quantopere visitatio hujusmodi utilis, & necessaria sit non modo ad tollendos abusus, sed etiam ad præcavendum, ne deinceps introducantur, quantumque boni eis ex illa hætenus provenerit, & benedicente Domino proventurum sit; si Visitatio ipsa continuetur, ac in ea, quæ ad Dei cultum, & gloriam animarumque salutem opportuna, & conducibilia sunt, sicut hætenus factum est, in posterum quoque pie, prudenterque statuatur, Motu proprio, ac ex certa scientia, & matura deliberatione nostris, deque Apostolicæ potestatis plenitudine, memoratam visitationem continuari, causamque indecisam in Congregatione prædicta pendentes, prout æquitatis, atque justitiæ ratio suaserit, terminari, Visitationes particularium Ecclesiarum, ac Locorum, & Operum piorum jam inchoata absolvi, nec non Ecclesias, ac loca, & Opera pia, tam huc usque visitata, quæ iteratam Visitationem exposcere videbuntur, quam nondum visitata, visitari, cæteraque omnia, & singula visitationem hujusmodi quomodolibet concernentia fieri, geri, statui, & ordinari, & executioni demandari debere tenore præsentium decernimus, & mandamus. Ac omnes, & singulas facultates, privilegia, gratias, præeminentias, prærogativas, & Indulta quæcumque præfatis Cardinalibus, & Prælati, eorumque Congregationi, nec non omnibus, & singulis Officialibus, & Ministris supradictis a memoratis Alexandro, & Cle-

mente IX., & Clemente X., ac Innocentio XI. Prædecessoribus per suas respectivè Literas desuper emanatas quovis modo concessa, & attributa per obitum eorumdem prædecessorum minime cessasse, nec cessare, sed in suis robore, & firmitate permanere, omnibusque, & singulis præfatis respectivè adhuc competere, & suffragari debere decernimus pariter, & declaramus. Et quatenus opus sit facultates, privilegia, gratias, præeminentias, prærogativas, & Indulta hujusmodi eisdem Cardinalibus, & Prælati, eorumque Congregationi, ac Officialibus, & Ministris prædictis in omnibus, & per omnia prout eis respectivè a memoratis Alexandro, ac Clemente IX., & Clemente X., ac Innocentio XI. prædecessoribus concessa, & attributa fuerunt, motu, scientia, deliberatione, ac potestatis plenitudine paribus de novo concedimus, tribuimus, & impertimur.

§. 1. Decernentes easdem præfatas Literas, & in eis contenta quæcumque, etiam ex eo, quod quicumque in præmissis, seu eorum aliquo interesse habentes, seu habere quomodolibet prætendentes, cujuscumque status, gradus, Ordinis, præeminentiæ, & dignitatis existant, etiam Cardinalatus honore fulgentes, aut alias specifica, & individua mentione, & expressione digni, illis non consenserint, nec ad ea vocati, citati, & auditi, neque causa, propter quas præfatas emanarunt, adductæ, verificatæ, vel justificatæ fuerint, aut ex alia quacumque quantumvis justa, pia, & privilegiata causa, colore, prætextu, & capite, etiam in Corpore Juris clauso, etiam enormis, enormissimæ, & totalis læsionis nullo unquam tempore de subreptionis, vel obreptionis, aut nullitatis vitio, seu intentionis nostræ, aut interesse habentium consensus, aliove quolibet, etiam quantumvis magno, & substantiali, ac individuum expressionem requirente defectu notari, impugnari, invalidari, infringi, retractari, ad terminos juris reduci, seu in controversiam revocari, aut adversus illas aperitionis oris, restitutionis in integrum, aliudve quodcumque Juris, facti, vel gratiæ remedium impetrari, vel intentari, seu impetrato, aut etiam motu, scientia, & potestatis plenitudine paribus concessio, vel emanato quempiam in Judicio vel extra illud uti, seu se juvare posse, sed ipsas præfatas Literas firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & spectabit in futurum plenissime suffragari, & ab eis respectivè inviolabiliter observari.

§. 2. Sicque, & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, necnon ejusdem S. R. E. Cardinales, etiam de Latere Legatos, & alios quoslibet quacumque præeminentia, & potestate fungentes, & functiones, sublata ejus, & eorum cuilibet quavis aliter judicandi, & interpretandi facultate, & auctoritate, judicari, & definiri debere, ac iritum, & inane si fecus super his a quoquam quavis auctoritate scienter, vel ignoranter contigerit attentari.

§. 3. Non obstantibus præmissis, ac omnibus, & singulis illis, quæ memoratus Alexander Prædecessor in suis Literis supradictis voluit non obstare, cæterisque contrariis quibuscumque.

§. 4. Volumus autem, ut eorumdem præsentium Literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem prorsus fides ubique locorum tam in Judicio, quam extra illud habeatur, quæ haberetur ipsis præsentibus, si forent exhibitæ, vel ostensa.

Datum Romæ apud S. Mariam Majorem sub Annulo Pisc. IX. Febr. MDCXC. Pontificatus Nostri Anno Primo.

Clausulæ.

Statuitur